

Hausgebete

Gebet - VII

Mathesius, Johann

Vorwort

Wieder einmal ging ein Jahr vorüber, und wir befinden uns am Ende des Jahres 2020 – Zeit, einige Bücher noch aufzuarbeiten, die ich Euch anbieten möchte.

Dieses Jahr hat uns allen eine Menge abverlangt – doch Gott hat uns hindurchgetragen.

Für mich persönlich bot die Zeit, die ich gewonnen habe, die Gelegenheit, einige neue Bücher zu erstellen. Gleichzeitig überarbeite ich viele der alten Bücher, sei es, um Fehler zu beheben oder neue Inhalte hinzuzufügen. Zunächst möchte ich die bestehenden Autorenbücher bearbeiten, danach sollen dann die Bücher zum Kirchenjahr, die Andachtsbücher und 1-2 neue Reihen aktualisiert werden.

Vielleicht hat aber auch der eine oder die andere Lust, mitzumachen und neue Bücher zu erstellen – spricht mich einfach an.

Euch allen wünsche ich Gottes reichen Segen und dass Ihr für Euch interessante Texte hier findet. Für Anregungen bin ich immer dankbar.

Gruß & Segen,

Andreas

Hausgebete

Kurtze Haußgebetlein für ein Haußvatter.

Allmächtiger Gott Gnädiger Vatter/ der du mich hast zu einem Haußvatter verordnet/ ich bitte dich vmb deines einigen Sohn willen/ dem die gantze Haußhaltung inn deiner Christenheit befohlen/ du wöllest mir verstand geben/ daß ich mein Weib Kind/ Gesind/ Christlich regiere/ vnnd zu Gottes Wort vnd aller Zucht erziehe/ vnd wöllest mein Nahrung segnen/ mit deinen lieben Engeln/ mich und mein Hauß bewachen/ denn wo du nicht vnser Hauß bawest/ vnd vnser Arbeit mit fleiß segnest/ so ists mit aller vnser Sorg vnnd dencken verlohren/ Hilff lieber Vatter/ durch Jesum Christum/ Amen.

Für ein Haußmutter.

HERR JESU Christe/ du wahrer Sohn Gottes/ der du mir meinen Haußwirt bescheret/ Kind vnnd eigen Hårdlein geben hast/ Hilff durch deine Güte/ daß ich nach deinem befehl mich vor meinem Mann dücke/ vnd meine Kind in deiner forcht erziehe/ vnd was mein Haußwirt durch deinen Segen erwirbt/ fein zu rath halt/ vnnd mich mit jederman einige vnd vertrage/ damit ich mit meinem ehrlichen wandel dich preise/ vnnd meinen beruff gewiß mache/ der du auch der glaubigen Weiber HERR vnd Heyland bist/ vnd machest sie theilhaftig deiner Gnaden/ hochgelobt inn ewigkeit/ Amen.

Für getauffte Kinder.

EWiger Gott/ gnädiger Vatter/ Der du mich hast auff dein Barmhertzigkeit tauffen/ vnnd mit deines Sohns blut besprengen/ vnnd mit deinem Geist versiegeln lassen/ daß ich auß gnaden dein Kind und Miterbe aller himmlischer Gütter werde. Erhalte mich lieber Vatter bey diesem Bund des guten Gewissens, vnnd bey der Vnschuld deines Sohns/ damit du mich bekleidet hast. Laß mich auch nicht vergessen/ was ich dir durch meine Paten versprochen/ vnnd laß mich bey deinem Wort/ vnnd meinem Tauff gelübduß bestendig außhalten/ der du alle getauffte/ vnnd die an dich glauben/ uauß gnaden wirst selig machen/ die in zuversicht deines Sons sehnlichen zu dir schreyen/ Hochgelobt/ inn Ewigkeit/ Amen.

Ein ander Gebet für die Kinder.

Herr Jesu Christe/ du liebes Kind Gottes/ der du die Kinder heist zu dir bringen/ meine Eltern haben mich zu deiner H. Tauffe geschickt/ der du mich gesegnet/ vnnd angenommen hast/ Lieber Herr/ ich lebe noch inn der Welt vnter den bösen Geistern/ leyte mich/ erhalte mich inn deiner Hand/

vnd laß mich inn deiner erkanntnuß wachsen/ vnd dich warhafftig anrufen
vnd preisen von nun an biß in Ewigkeit/ Amen.

Ein ander Gebet für ein Handwercks jungen.

O Ewiges Wort/ vnnd gehorsam Kind Gottes/ Der du bist inn Armut vnnd
Elend geborn/ daß du vns reich machst/ vnnd hast in deiner jugend inn tief-
fster demut das Zimmerhandwerck getrieben/ vnnd deine Mutter ernehren
helffen. Meine liebe Eltern thun mich auch jetzund zum Handwerck/ Hilff
du trewer Gott/ daß ich fleissig lerne/ trewlich arbeite/ mich redlich damit
nehre/ vnd meinen alten Eltern damit auch wider dienen könne/ wie sie
mich von Jugend auff versorget/ der du dir auß allerley Ständen eine ewige
Kirch durchs wort samlest/ vnnd wilt von Läyen vnnd jederman gelobet
vnnd gepreiset seyn/ Hochgelobt inn alle Ewigkeit/ Amen.

Für ein Tochter.

Himmlischer Vatter/ mein lieber Gott/ ich armes getaufftes kindlein schrey
auff dein Wort zu dir/ laß mich dein Wort seliglich hören vnnd bewahren/
vnnd meine Eltern lieb haben/ jn gehorsam seyn/ vnd was zu gut halten/
vnd ein gute Haußhalterin werden/ Laß mich in glimpff vnd gelindingkeit/
in Zucht vnd Messigkeit/ fein ehrlich vnnd fleissig sein/ vnd mit Trew vnd
Warheit vmbgehen/ damit ich meine Tauffe vnnd beruff schmücke/ vnd
dich auff meinem befohlen wege preise/ vnnd meine Eltern vnnd Freund-
schafft Ehr vnnd Ruhm hie auff Erden/ vnd inn alle Ewigkeit an mir erle-
ben/ vmb deines gehorsamen Söhnleins meines himlischen Bräutigams wil-
len/ hochgelobt in Ewigkeit/ Amen.

Wenn Eltern Kinder wollen zur Schul thun.

O Ewiger Schöpffer Himmels vnd Erden/ vnnd deß heiliigen Ehestandes/
der du mir nach deinem segen/ im züchtigen Ehebeth/ Leibesfrucht besche-
ret/ vnnd sie im Geist/ Wasser vnnd Wort zu deinen Kindern newgeboren/
vnd mir befohlen hast/ ich sol sie in deiner zucht vnd straffe auffziehen.
Nun schicke ich meine Kinder inn deine Schule/ vnd befehle dir jr studiern/
der du allein gelehret/ fromm vnnd selig machen kanst/ Gibe jhnen deinen
Geist/ vnnd lasse jn lust/ liebe vnd gedeyen in jnen erwecken/ daß sie selige
werckzeug vnd Gnadengefäß werden/ die dich preisen/ deiner Kirchen die-
nen/ vnnd mich mit jrer Gottseligkeit vnnd Tugend erfrewen/ der du das lie-
be Samuelichen auff seiner Mutter bit auch vnterweiset/ vnd zu einem gros-
sen vnd seligen Wundermann hast in der Schul erziehen lassen/ vmb deines

lieben Söhnleins/ deß frommen Schulerleins vnnnd höchsten Schulmeisters
willen/ Amen.

Für ein gewachsenen Sohn.

HErr JESu Christe/ du stiffter vnnnd erhalter deß heiligen Ehestands/ ich soll
auß Rath vnnnd anhalten meiner lieben Eltern mich in Ehestand begeben/
Nun weiß ich/ daß du allein fromme Töchter kennest/ vnd das Adam vnnnd
Isaac durch deine Güte versorget sein/ Hilff himlischer Bräutigam/ du keu-
scher Gott/ liese mir was gutes auß/ mit der ich mich inn deiner Erkenntnuß
ehrlich nehre/ vnd mit jhr hie vnnnd dort selig leben könne. Saget doch Salo-
mon/ ein fromm Weib komme vom HErrn/ damit einer/ der inn der Forcht
Gottes sich inn die Ehe begibt/ glück vnnnd segen/ vnd die schönste frewd
vnnnd wollgefaßen erlanget/ Der du aller Eheleut Patron vnd Schutzherr bist/
vnnnd schmüest die hochzeit zu Cana mit deiner gegenwart vnd reichlichem
Geschenck/ hochgelobt in Ewigkeit/ Amen.

Für ein frommen Diener.

HErr Gott himlischer Vatter, der du Herr vnnnd Knecht nach dem Fall ver-
ordnest/ vnnnd hörest auch Abrahams Diener, der im Namen deines lieben
Sons zu dir schreye. Ach ewiger HErr vnd Haußvatter/ ich darff eins
Dienst/ darinn ich mit Gott vnnnd ehren leben kan/ Hilff gnädiger Vatter/
liese mir einem guten vnd gelinden Herrn auß/ bey dem ich an Gottes Wort
nicht versaumet werde/ vnd hilffe mir mit deinem Gnadengeiste/ daß ich
ihm trewlich diene/ vnd seine sache versorge/ Segene mir auch meine Ar-
beit/ damit ich mein Christenthumb preise vnd beweise/ vnd nach disem jrr-
dischen Dienste/ ein ewiger Himmelserbe vnd Burger seyn könne. Der du
dem krancken Knecht zu Capernaum einen Gottseligen vnnnd frommen
HErrn bescherest/ vnnnd Joseph inn seinem Dienste gnädiglich beystehest/
hochgelobt in Ewigkeit/ Amen.

Für ein Haußmutter/ die Gesinde bedarff.

HErtzlieber Vatter/ ich dancke dir für die Ehr/ dz du mir deine Creaturn
vnnnd getauffte Kinder zur hand gehen unnd dienen lessest/ Beschere mir
lieber Vatter/ der du Frau vnnnd Magd erschaffen/ vnd sie all durch Christi
Blut wilt selig machen/ ein fromme Christliche vnnnd ehrliche Magd/ die
sich ihrer Tauff tröstet/ vnd vmb deines worts vnd befelchs willen mir/ mei-
nen Kindern vnd Hauß trewlich diene/ vnnnd laß mich auch nicht vergessen/
daß ich einen HErrn im Himmel habe/ vnd sie/ als mein Kind mütterlich
meine/ zu Gottes Wort vnd aller Zucht halte/ Der du Rebecca vnnnd Naeman

trewer Kinder/ Mutter vnnd Gesinde bescheret vnnd gesegnet hast/ Durch Christum deinen trewen Knecht vnsern HErrn/ Amen.

Für ein arme Magd.

Lieber Vatter im Himmel/ ich ibn ein armes und elendes Waißlein/ habe weder Vatter noch Mutter auff Erden/ denn dich allein Hertzener/ der du aller Waißlein/ auch deß armen Gesindes trewer Vatter bist/ Ich soll vnnd muß mich zu dienste begeben/ nach deinem wolgefallen/ beschere mir einen trüglichen Dienst/ hilff mir zu guten Leuten/ die dein Wort lieben/ vnd ein trewlich Aug auff ihr armes Gesinde haben/ ich wil vmb deines willen gehorsamlich vnd fleissig dienen/ vnnd in gedult auff deines Sohns fröliche erscheinung warten/ da mein Dienst vnd Elende wird ein end nemen/ vnd ich vnter deinen lieben Kindern vnnd Erben sein vnd bleiben wil/ Der du auch mit der armen Magd Agar redest/ vnd tröstest sie in jren höchsten nöthen/ vnd bescherest Zilpa vnd Bilha fromme Frawen hochgelobt inn Ewigkeit/ Amen.

Ein ander Gebet/ für trewe Dienerin.

ACh lieber HErr vnnd Heyland/ ich dancke dir/ daß du mir eine gute Fraw bescheret/ vnnd trüglichen Dienste/ darinn ich kan dein Wort hören/ zur Beicht vnnd abendmal gehen/ vnnd mein Zucht vnnd Gewissen/ durch deine Gnade bewahren. Hilff lieber Sohn Gottes/ daß ich meinen dienst ehrlich vnd reiniglich verrichte/ vnd vmb deinet willen meiner Frawen gehorche/ ihre Kinder fein vnnd Christlich erziehe/ vnnd ihre Nahrung fleissig zu rath halten helffe/ sprich auch deinen Segen in meine Kuchen vnnd daß ich nichts verderben/ oder zu schanden werden lasse/ Laß auch deine Engelein mein Feuer verwahren/ vnd mich vor Schaden warnen. Hilff mir auch/ daß ich nichts ins Hauß vnnd herauß wasche/ vnd wie ein frommer Ehehalt/ Zwyspalt vnnd Vneinigheit wehren/ lieb vnd Freundschaft erhalten/ vnd meiner Herrschafft vmb Christi willen ein Wort lerne zu gut halten/ damit ich mein Vatter vnser Abends vnd Morgens inn der Kuchen vnnd Stall fein andächtig sprechen/ vnd hülff/ schutz und errettung auß diesem Elend erbeten könne/ der du auch armes Gesiches Gott vnd Heyland bist/ vnd sie zum ewigen Leben mit deinem thewrem Blut erkaufft hast/ hochgelobt in Ewigkeit/ Amen.

Für ein Schwangere Frawen.

O Ewiger Son Gottes/ Schöpffer vnd Heyland der Welt/ der du Adam vnd Eva hast wachsen vnd mehren heissen/ vnnd von ihrem Geblüt alle Ge-

schlecht auff Erden gezeuget/ Ich dancke dir/ daß ich deines Segens auch in Ehren bin theilhaftig worden/ darumb preise ich deine Gnade vnnd segen/ vnnd bitte deine milte güte/ im Namen deines eingebornen Sönleins/ das auch in dem Jungfräwlichen Leibe gelegen/ du wöllest mein Leibsfrucht erhalten/ vnd mir vnd ihr ein fröliche stund bescheren/ vnd mit deines Sohns Blut vnd Geist besprengen/ vnd zum Kind Gottes annemen/ vnnd mich mit meinem lieben Haußvatter erfrewen/ vnd dir ein ewigen Diener auffstehen lassen/ der du den Ertzvatter Jacob/ vnd Johannem den Tauffer inn Mutterleibe geheiliget vnnd angenommen hast/ hochgelobt mit dem Vatter vnd heiligen Geiste/ Amen.

Für ein kreistende Fraw.

O Ewiger Sohn Gottes/ vnnd einiger Helffer inn allen nöthen/ der du vnns Eve Töchter/ die wehe vnnd schmerzen auß gnaden auffgelegt/ daß wir ihrer vbertretung/ vnd vnser angebornen Erbsünde nicht vergessen/ meine Stunde ist/ nach deiner verordnung kommen/ Hilff HErr/ du lebendiger Sohn Gottes/ vnd spricht dein Segen zu meinen kreisten/ vnnd laß mich deine heilsame Mutterhand fühlen/ hilff mir vnnd meiner Leibesfrucht/ deinem Geschöpffe vnnd erfrew mich/ wie du deine Christenheit auß vnser trübnuß vnnd folgenden frewde seliglich tröstest. Hilff du heilige Dreyfaltigkeit/ gib mir vnd meiner Frucht Krafft/ vnd sey mein Wehr vnd Frewden Gott/ der du Rebecca vnd allen geholffen hast/ die inn Kindsnöthen zu dir geschryen haben/ denn inn dir allein sein/ leben vnnd weben wir/ Ob auch vnser Wehe weren biß inn die Nacht/ vnd wider an den Morgen/ Du weist die rechte Sund/ komme lieber HErr Jesu/ hochgelobt von allen Frawen/ Amen.

Armer Leut Gebet für ihr Viehlein.

O Ewiger Vatter/ Schöpffer vnd Erhalter aller Creaturen/ der du Menschen vnnd Viehe hilffest/ vnnd nehrest die kleinen Vögelein/ vnnd lessest kein Sperling an die Erden fallen ohn dein wissen vnnd willen/ vnnd sorgest für vnser Küh vnnd Kelber/ vnd lessest Graß vnnd Hew zu jhrer Speiß wachsen/ ich befehle dir meines Herrn Viehzucht/ behüt vnser Kphlein/ Kälblein/ Zieglein vnnd Schweinlein vor des Teuffels Zauberey vnnd allen bösen Augen/ vnd lasse es wol gedeyen/ vnnd nütze sein/ vnd einander kein schaden thun/ vmb des HErn JESu Christi willen/ der im Stall zu Bethlehem beym Oechßlein vnd Eselein geborn/ vnnd im Krippelein auff Hew vnd Stro gele-

gen ist/ vnd sein Opffer im Schlachtlämblein vnns armen Gesinde erzeigt/
hochgelobt in Ewigkeit/ Amen.

Gebet für ein Bergfraw.

EWiger Vatter/ trewer Heyland ich dancke dir/ daß du mich zur Haußmutter
verordnet/ vnd mir einen lieben Mann/ Kind vnnd Gesinde bescheret hast/
vnnd bitte dich vmb deines lieben Sönleins willen/ du wöllest mir mein
Haußwirth an seiner gefährlichen Arbeit mit deinem lieben Engelein behü-
ten/ daß ihm kein Leyd widerfahre/ vnd böß Wetter jm nicht schade/ Du
wöllest auch dein Segen zu seiner Arbeit vnd Löhnlein sprechen/ daß er sei-
nem Herrn was außrichte/ vnnd wir vnser Kinderlein zu deinen Ehren
Gottselig erziehen können/ Der du auch der Bergleut vnnd jhrer Kinder
Gott vnnd Heyland bist/ vnnd allein gut Ertz vnd Ausbeute bescheren vnd
gedeyen darzu sprechen kanst/ als der alte vnnd rechte Ertzschöpffer/ gelo-
bet inn der höhe/ Amen.

Ein Gebet für fromme Kinder/

wie sie für jhren Vatter beten sollen/ der vber Land reiset.

EWiger Sohn Gottes/ O trewer Heyland/ aller die dich im Glauben anrufen/
wir deine Kindlein die auff dein Blut getaufft/ vnnd mit deinem Geiste zu
Königlichen Priesterlein geweyhet/ vnd deine Brüder vnd Miterben auß Ge-
naden erwehlet sein/ schreyen mit vnsern vnschuldigen Zünglein zu dir/
vnd bitten hertzlich/ du wöllest vnsern lieben Vatter der seines Berufes vnd
Nahrung halben vber Land gereiset ist/ auff seinen Wegen gnädig behüten/
vnd in seine sachen wol vnnd schleunig außrichten lassen/ vnd ihn gesund
vnd mit Frewden wider zu vns heimb bringen/ der du dem Diener Jacob
auch mit deinen Engelein auff seiner Reyse behütet vnd beleytet hast/ du
ewiger vnd trewer Gleytsmann vnnd Gefert aller derer/ die dich fürchten/
vnnd auff deine Güte warten/ Amen.

Vatter vnser/ rc.

Ein ander Kindergebetlein/

vmb glückselige Reyse vmb jren lieben Vatter zu bitten.

Allmechtiger Gott/ HErr himlischer Vatter/ der du vns gnädiglich verheis-
sen hast/ was wir dich bitten werden inn dem Namen deines Eingebornen
Sons Jesu Christi vnser Herrn/ das wöllest vns geben. Weil du denn selber
weist vnd sihest/ daß wir vrsach haben zu bitten/ Nach dem vnser lieber

Vatter in gefehrlicher Reyse ist/ vnnd wir auch solches von wegen deines Gebots/ vnd auß kindlichem Gehorsam gegen vnsern Eltern schuldig sein/ so wöllest du vnser einfeltiges Gebet nach deiner Art vnd Güte erhören/ vnnd vnsern lieben Vatter auff dem Wege vnd an allen Orten/ sampt andern frommen Christen/ mit deinen lieben Engeln beschützen/ vnd selbst mit vnd bey jm sein/ in aller Gefahr. Ja wie du deinen lieben Diener Tobia den seligen Engel Raphael zum Geferten verordnet hast/ das er vor allen Leid kondte sicher sein/ Also geleyte auch du getrewer Gott vnsern hertzlieben Vatter/ daß er vns mit gesund vnnd freude wider zu Hauß komme/ auff daß/ weil wir noch vnerzogen vnd klein sein/ er vns lenger mit deiner Gnade vorstehe/ in rechter Lehr deines Göttlichen worts/ aller Zucht vnnd Erbarkeit vnterweise/ vnd wir also möchten auffwachsen/ vnd vnser Leben führen/ daß dein heiliger Name geehret/ vnd wir vnd vnser Nechster dardurch gebessert würden/ Das verleyhe vns lieber Gott/ vmb deß HERRN Christi willen/ Amen.

[Ein Kinder gebetlein für ihre Brüder vnd Schwester/](#)
so in der frembde sein.

EWiger Gott/ gnädiger Vatter vnnd Beschützer aller der/ so das Elend bawen/ Der du deinen Sohn ins Elend auff Erden vnserthalben gesandt/ vnd in Egypten mit seiner lieben Mutter geschickt/ Wir elenden Kinder Eve schreyen zu dir im Namen Jesu Christi/ du wöllest vnser Brüder/ die inn der Frembde der Schulen nachziehen/ vnnd andern Leuten dienen müssen/ gnädiglich mit deinen lieben Frongeisterlein bewahren/ vnd sie für falscher Lehr/ böser Gesellschaft vnd vnzucht behüten/ vnd sie lassen fein fleissig/ ehrlich vnd züchtig sein/ vnnd wider zu vns mit ehren heimbringen/ biß dein lieber Sohn auff dem Regenbogen kompt/ vnd vns zerstrewete Kinderlein in seinem Paradeiß alle zusammen bringt/ hochgelobt in ewigkeit/ Amen.

[Ein Gebet für ein Haußvatter/ Gott wölle ihm sein Haußcreutz mit Gedult tragen helfen.](#)

O Ewiger Gott/ weiser vnd trewer Vatter/ du legest je nur den jenigen/ so du lieb hast dein heiliges Creutz auff/ damit du sie zu deinem Wort ziehest/ vnnd die Sünde inn jhnen dempffest/ vnnd sie deinem Söhnlein im Leyden ehnlich machest/ Ich armer Haußvatter stecke in Nöthen/ Anfechtung/ schulden/ hab ein kranck Weib vnnd Kind/ bin betrübt vnnd elend/ ich glaub/ daß du mir solchs alles zum besten aufflegest/ vnnd werdest zu ge-

legner zeit mich darauß/ nach deinem wollgefallen/ vnnd meiner Seelen Seligkeit erretten. Hilff lieber Vatter/ daß ich dein Vatterhertz erkenne/ vnd deine Ruthe mit gedult anneme/ vnd vnterm Creutz durch deines Geistes Krafft dir außhalte/ vnd getrost vnnd vnverzagt sey. Ists dein wille/ lindere mein Schmertzten auch/ vnnd laß deine Hülffe scheinen/ vmb deines lieben Söhnleins Jesu Christi willen/ der sein Creutz vnserthalben in höchster Gedult getragen/ vnd vnser Leyden vnd Angst damit geheiliget vnd vberwunden/ vnd alle die auff in gehoffet vnnd geharret haben/ endlich zu rechter Zeit auß allen Nöthen ehrlich errettet hat. Hilff HErr/ hilff deinen Creutzträgern/ hochgelobet auch in vnserm Creutze/ als ein gnädiger Vatter vnnd Zuchtmeister/ hie vnd in Ewigkeit/ Amen.

Ein Gebet für ein Weib die nicht Kinder hat.

O Ewiger Vatter/ gnädiger Gott/ Ich armes elendes Weib schüttele mein betrübts/ vnd sehnliches Hertz für dir auß vnnd klage dir täglich daß mir mein Leib/ wie der Mutter Samuelis/ bißher verschlossen ist/ vnnd ich deines gnedigen segens entperen muß/ Hilff HErr GOTT/ der du allein vnser Leib segnen/ vnnd Kinder geben/ vnnd zum Leben bringen kanst/ vnnd sprich auch deinen Segen vber mich betrübtes Weib/ vnnd beschere mir ein Leibes Frucht/ daß ich dir vnnd deiner Kirchen auch ein Diener erziehen/ der dich hie vnnd in alle Ewigkeit preyse. Oder da es dir also wolgefellt/ daß ich ohne Kinder bleiben solle/ so verleyhe mir Gedult/ vnnd laß dein ewiges Söhnlein mein Kind seyn/ daß ich inn meinem Herten trage/ vnnd deiner Kirchen trewlich dienen heisse/ Der du die heilige Anna mit ihrem Samuelichen gesegnet/ vnnd Elie vnd Elise wirtin/ jeder einen jungen sohn auß gnaden bescheret/ Bis du doch Vatter/ vnd Kinder sind allein Gottes schöne Gaben/ Erhalt an mir auch deinen Segen/ hertz allerliebster Vatter/ hochgelobt in Ewigkeit/ Amen.

Ein Gebet für betrübte Eltern vber jhren todten Kindlein.

ACH trewer Gott/ Barmhertziger Vatter/ ich klag dir mein ängstliches betrübtes Leyd/ daß der bitter Todt meine Frucht inn Mutterleib vnser Sünde halben/ grewlich ermordet/ damit wir vnser Erbsünde vnd Missethat erkennen. Wir glauben aber lieber Vatter/ weil wir dir vnser Leibs frucht im Namen der Jungfrawen Kind/ so lange es sich in Mutterleib gereget/ trewlich befohlen/ vnd vmb die heilige Tauff deines Sons sehnlich geseufftset/ Du hast sein Sellichen mit Gnaden angenommen/ vnd wie Jacob vnd Johannem in Mutterleib geheiliget. Hilff lieber Vatter/ daß wir diß schwere Creutz

durch deines Geistes Hilff vnd Trost gedultig tragen/ vnd starck hoffen/ wir werden vnser Leibesfrucht bey dir in guter Gesundheit seliglich finden. Stärke auch meines lieben Weibs Leib vnnnd Seel/ vnnnd lasse sie ihr Frewd vnd Trost an deinem Son haben/ der im Todt helffen kann/ die ihm durchs Gebet zugetragen vnd befohlen werden/ hochgelobt in Ewigkeit/ Amen.

Ein Gebet für ein Haußvatter dem sein Weib stirbt.

O Lebendiger Gott vnnnd Tröster aller Betrübten/ ich habe meinen liebsten Schatz auff erden in Kindsnöten verloren/ Denn du hast mir eine RIBE vnnnd stücke von meinem Herten weggerissen/ doch/ glaub ich/ solches ist nicht ohn dein wissen vnd wolgefallen geschehen/ Du hast mir sie geben/ vnnnd jetzt ein zeitlang gelassen/ vnnnd nun wider zu dir genommen/ weil sie deinen Sohn erkant vnd angeruffen hat. Tröste mich trawrigen vnd elenden Witwer/ vnd hilff mir mein Leyd tragen/ vnd meine kleine Kinder erziehen/ vnd schicke ein seliges stündleinZ daß ich vnd die meinen bald für deinem Angesicht/ inn newer Frewde vnd ewiger Liebe zusammen kommen/ Der du alle ehrliche liebe pflantzen/ vnnnd auß leyd ewige frewde vnnnd wollgefallen machen kanst/ hochgelobt inn Ewigkeit/ Amen.

Für ein sterbenden Haußvatter.

O Allmechtiger Schöpffer/ vnnnd Vater deines lebendigen Sons. Ich habe mein Lauff verricht/ vnnnd gehe nun nach deinem willen/ den Weg alles fleisches/ vnnnd bin getaufft/ absolvirt/ vnnnd mit deines Sohns Fleisch vnnnd Blut gespeiset/ zum ewigen Leben versigelt/ vnnnd habe dein Wort gehöret/ vnnnd so vil mir nach deines Geistes hilffe möglich/ glaube ich/ vnd bin gewiß/ Du fassest vnnnd bewahrest mein Selichen inn deiner Hand. Ich befehle dir jetzt mein Geist zu trewen händen/ Du trewer GOTT/ der du mich erlöset/ vnnnd zum ewigen Leben beruffen hast/ stercke vnnnd erhalte mich inn meinen letzten Nöten/ vnd löse mich auff/ oder spanne mich auß/ Errette mich auß Todtes Banden/ vnd lasse mich inn fried sein rühlich einschlaffen/ vnd samble mich in mein Ruhbethlein/ darinne ich sehnlich der frölichen erscheinung deines Sohns erwarte/ vnd mein verborgen Leben inn Christo wider offenbaret werde/ durch Jesum Christum der den Tod vberwunden/ vnd ein HErr deß Lebens ist/ Amen.

Quellen:

Sämtliche Texte sind der [Glaubensstimme](#) entnommen. Hier sind zumeist auch die Quellangaben zu finden.

Die Bücher der Glaubensstimme werden kostenlos herausgegeben und dürfen kostenlos weitergegeben werden.

Diese Bücher sind nicht für den Verkauf, sondern für die kostenlose Weitergabe gedacht. Es kommt jedoch immer wieder zu Fragen, ob und wie man die Arbeit der Glaubensstimme finanziell unterstützen kann. Glücklicherweise bin ich in der Situation, dass ich durch meine Arbeit finanziell unabhängig bin. Daher bitte ich darum, Spenden an die **Deutsche Missionsgesellschaft** zu senden. Wenn Ihr mir noch einen persönlichen Gefallen tun wollt, schreibt als Verwendungszweck „Arbeit Gerald Haupt“ dabei – Gerald ist ein Schulkamerad von mir gewesen und arbeitet als Missionar in Spanien.

Spendenkonto: **IBAN:** DE02 6729 2200 0000 2692 04,
BIC: GENODE61WIE

Alternativ bitte ich darum, **die Arbeit der Landeskirchlichen Gemeinschaft Schlossplatz 9 in Schwetzingen zu unterstützen.** Die Landeskirchliche Gemeinschaft „Schlossplatz 9 in Schwetzingen ist eine evangelische Gemeinde und gehört zum Südwestdeutschen Gemeinschaftsverband e. V. (SGV) mit Sitz in Neustadt/Weinstraße. Der SGV ist ein freies Werk innerhalb der Evangelischen Landeskirche. Ich gehöre dieser Gemeinschaft nicht selber an, und es gibt auch keinen Zusammenhang zwischen der Gemeinde und der Glaubensstimme, doch weiß ich mich ihr im selben Glauben verbunden.

LANDESKIRCHLICHE GEMEINSCHAFT „SCHLOSSPLATZ 9“ 68723
SCHWETZINGEN

Gemeinschaftspastor: M. Störmer, Mannheimer Str. 76,
68723 Schwetzingen,

IBAN: DE62 5206 0410 0007 0022 89
Evangelische Bank eG, Kassel

Andreas Janssen
Im Kreuzgewann 4
69181 Leimen

Natürlich suche ich immer noch Leute, die Zeit und Lust haben, mitzuarbeiten - wer also Interesse hat, melde sich bitte. Meine Email-Adresse ist: webmaster@glaubensstimme.de. Insbesondere suche ich Leute, die Texte abschreiben möchten, bestehende Texte korrigieren oder sprachlich überarbeiten möchten oder die Programmierkenntnisse haben und das Design der Glaubensstimme verschönern können.

Table of Contents

Vorwort

Hausgebete

Kurtze Haußgebetlein für ein Haußvatter.

Für ein Haußmutter.

Für getauffte Kinder.

Ein ander Gebet für die Kinder.

Ein ander Gebet für ein Handwercks jungen.

Für ein Tochter.

Wenn Eltern Kinder wollen zur Schul thun.

Für ein gewachsenen Sohn.

Für ein frommen Diener.

Für ein Haußmutter/ die Gesinde bedarff.

Für ein arme Magd.

Ein ander Gebet/ für trewe Dienerin.

Für ein Schwangere Frawen.

Für ein kreistende Fraw.

Armer Leut Gebet für ihr Viehlein.

Gebet für ein Bergfraw.

Ein Gebet für fromme Kinder/

Ein ander Kindergebetlein/

Ein Kinder gebetlein für ihre Brüder vnd Schwester/

Ein Gebet für ein Haußvatter/ Gott wölle ihm sein Hauß-
creutz mit Gedult tragen helffen.

Ein Gebet für ein Weib die nicht Kinder hat.

Ein Gebet für betrübte Eltern vber jhren todten Kindlein.

Ein Gebet für ein Haußvatter dem sein Weib stirbt.

Für ein sterbenden Haußvatter.

Quellen:

Inhaltsverzeichnis

Vorwort	1
Hausgebete	2
Kurtze Haußgebetlein für ein Haußvatter.	2
Für ein Haußmutter.	2
Für getauffte Kinder.	2
Ein ander Gebet für die Kinder.	2
Ein ander Gebet für ein Handwercks jungen.	3
Für ein Tochter.	3
Wenn Eltern Kinder wollen zur Schul thun.	3
Für ein gewachsenen Sohn.	4
Für ein frommen Diener.	4
Für ein Haußmutter/ die Gesinde bedarff.	4
Für ein arme Magd.	5
Ein ander Gebet/ für trewe Dienerin.	5
Für ein Schwangere Frawen.	5
Für ein kreistende Fraw.	6
Armer Leut Gebet für ihr Viehlein.	6
Gebet für ein Bergfraw.	7
Ein Gebet für fromme Kinder/	7
Ein ander Kindergebetlein/	7
Ein Kinder gebetlein für ihre Brüder vnd Schwester/	8
Ein Gebet für ein Haußvatter/ Gott wölle ihm sein Haußcreutz mit Gedult tragen helffen.	8
Ein Gebet für ein Weib die nicht Kinder hat.	9
Ein Gebet für betrübte Eltern vber jhren todten Kindlein.	9
Ein Gebet für ein Haußvatter dem sein Weib stirbt.	10
Für ein sterbenden Haußvatter.	10
Quellen:	11

